

16. november 2023

UKA2023/7

Ilanngussaql

UKA 2023/7

J.nr. 01.31.11-00007

J.nr. 01.25.01/23EM-LABU-00007



INATSIARTUT

**Aningaasaqarnermut Akileraartarnermullu
Naalakkersuisoq
/Maani**

Ulloq: 15. november 2023

J.nr.: 01.25.01/23EM-LABU-00007

Pingasunngornermi ulloq 15. november 2023, nal. 16.00 inersuarmiluunniit ataatsimiinnerup kingorna ataatsimiittarfik Erling Høeghimi siunersiuinissamut aggeqqusissut.

Inatsisartut suleriaasianni § 19 naapertorlugu siunersiorneqarnissamut Aningaasaqarnermut Akileraartarnermullu Naalakkersuisoq Aningaasaqarnermut Akileraartarnermullu Ataatsimiititaliamit matumuuna aggersarneqarpoq.

Aningaasaqarnermut Ataatsimiititaliap oqaaseqaatai apeqqutaalu:

Naalakkersuisut ataatsimiititaliap apeqqutaanut ippassaq 14. november 2023 akissutaasa ataatsimiititaliamit suliarineqarnerannut malitseqartitsissutitut siunersiuinissaq kissaatigineqarpoq.

Makku pillugit allannguutissatut siunnersuutitut ataatsimiititaliap apeqqutaanut Naalakkersuisut akissutaat ataatsimiititaliamit tusaatissatut tiguneqarput:

- Sammisaaq 6-ip ataani teknikikkut allannguutini 40.94.17 Kalaallit Nunaata Radiua - KNR (Tapiissutitut aningaasaliissutit)
- Sammisaaq 10-p ataani aningaasartuuteqarnerussutini 20.11.56 Missingersuutinik iluarsineq, allaffissorneq (Ingerlatsinerneq aningaasaliissutit)
- Sammisaaq 11-p ataani isertitassatut missingiutini allannguuneri 24.11.10 Nioqqutissanik eqquusuinerneq akitsuutit (Isertitatur aningaasaliissutit)

Apeqqut 1:

Sammisaaq 11-p ataani isertitassatut missingiutini allannguuneri konto pingaarnermut 24.11.10-mut, Nioqqutissanik eqquusuinerneq akitsuutitut (Isertitatur aningaasaliissutit), ataatsimiititaliap apeqqutaanut Naalakkersuisut akissutiminnik erseqqinnerusumik nassuiaannissat ataatsimiititaliamit kissaatigineqarpoq.

Akitsuutitut, annertussutsinut kiisalu akitsuutitut taaguutitut taaneqartunut akissummi kisitsisitigut annertussusiliinerit qanoq paasineqarnissaannik erseqqinnerusumik paasinarnerusumillu siunersiuinerneq nassuiaasoqarnissaa ataatsimiititaliamit kissaatigineqarpoq. Kiisalu kisitsisit annertussusaannut, annertussutsinut kiisalu taaguutit siuliani taaneqartut pillugit inatsimmut atuuttumut innersuussisoqarnissaa ataatsimiititaliamit kissaatigineqarpoq.

Tassunga atatillugu akitsuuseeriaatsit assigiinngitsut tamarmik, taakku pillugit inatsisini ilaatinneqartut, erseqqinnerusumik nassuierneqarnissaat ataatsimiititaliamit kissaatigineqarpoq. Taaguutit imminnut taputartuunneqarnissaat pinngitsoortikkumallugu taamatut takussutissiortoqarnissaa pisariaqartinneqartoq ataatsimiititaliap isumaqarpoq.

Apeqqu 2:

Apeqqu matuma kingulianiittoq ataatsimiititaliap apeqqudigisaanut ilaavoq. Siunersiuinermit taassuma Naalakkersuisunit akineqarnissaa ataatsimiititaliamit kissaatigineqarpoq.

“2024-mut aningaasanut inatsisip inaarutaasumik inernerá pingajussaaneerinninnissamut isumaliutississiissummi allassimasussaamat, taassuma paasissutissiissutiginnissaanik Naalakkersuisut qinnuigineqarput.”.

Naalakkersuisumik apersuinermini malitseqartitsissutinik apeqquqeqarnissani ataatsimiititaliap naatsorsuutigaa.

Ataatsimiititaliap Naalakkersuisumik siunersiuinerata Naalakkersuisup ataatsimiititaliallu akornanni pingaarnersiulluni tulleriiaarinerit anguniakkallu pillugit naalakkersuinermut tunngasumik oqaloqatigiinnertut sapinngisamik iluseqartinneqartarnissaa ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqquutit siuliani allassimasut pillugit allakkiamik kalaallisut danskisullu ataatsimiititaliap Naalakkersuisumik siunersiuineranut atatillugu pissarsinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalakkersuisumik siunersiuinerata kingunngua ukununga nassiunneqarnissaa qinnutigineqarpoq: saam@ina.gl aamma jovag@ina.alla.gl. Allakkiap ataatsimiititaliap Naalakkersuisumik siunersiuineranut nassarneqarpat atorineqarpallu taassuma nuutinnera ataatsimiititaliap Naalakkersuisumik siunersiuinerata aallartinnerani ataatsimiititaliap oqalutnaanut ataatsimiititaliallu allattaanut tunniutequneqarpoq.

Inussiarnersumik inuulluaqqusillunga

Asii Chemnitz Narup
Aningaasaqarnermut Akileraartarnermullu Ataatsimiititaliap siulittaasua



Allakkiaq,
Notat

TUAVIORTOQ/ HASTER

Uunga
Til

Aningaasanut Akileraartarnermullu
Ataatsimiititaliaq

Allakkap ullua: 15-11-
2023
Suliap nr. 2023 - 3439
Akt id. 23618185

Assinga uunga
Kopi til

P. O. Box 1037
3900 Nuuk

Tel. (+299) 34 50 00

Fax (+299) 34 63 50

E-mail: oed@nanoq.gl

www.naalakkersuisut.gl

Siunersiuineq 15. november 2023

Apeqquut 1

Ataatsimiititaliap Naalakkersuisut ataatsimiititaliamut kontu pingaarneq 24.11.10 Nioqqutissanik eqqussuinermi akitsuutit, Sammisag 11: Isertitassatut missingiutini allannguinerit pillugit akissutaa pillugu sukuiarnissaanik kissaatigaa.

Siunersiuineri ataatsimiititaliap akissummi akitsuutit pillugit, annertussusiinerit kiisalu akitsuutit taaguutai pillugit taaguutai paasinarnerusumik nassuiarneqarnissai kissaatigaa. Tamatuma saniatigut ataatsimiititaliap kissaatigaa, kisitsisit taaneqartunut, annertussutsinut kiisalu taaguutinut tunngatillugu suleriaasermi inatsisit tunngavigineqartut innersuutigeqquneqarput.

Tamatumunnga atatillugu ataatsimiititaliap inatsimmi akitsuutit assigiinngitsut pineqartut pillugit sukumiinerusumik nassuiaaqquvoq. Ataatsimiititaliap paasisinnaasai naapertorlugit, taama takussutissiaqarnermi taaguutit paatsoorneqarnissai pinaveersaarnissaanut pisariaqartitsisoqartoq.

Ataatsimiititaliap tuniniarneqartut kiisalu utertitsisarnermut aqqissuussami aningaasaqarneq pillugit paasissutissat paasisinnaavai, kisiannilu taakku taaneqareertutut sukumiinerusumik nassuiaqquneqarput.

Akissut

Kontu pingaarneq 24.11.10 Nioqqutissanik eqqussuinermi akitsuutit pillugit sammisag 11-mut, 14. november 2023-mi ataatsimiititaliamut nassiunneqartoq akissut innersuunneqarpoq.

Imerusaatit akitsuutaannut aqqissuussavut Inatsisartut inatsisaanni marlunni tunngaveqarput.

Ilaatigut Nioqqutissanik eqqussuinermi akitsuutit pillugit Inatsisartut Inatsisaanni. Ilaatigut imigassat ilaannut Kalaallit Nunaanni sananeqarsimasunut akitsuutit pillugit Inatsisartut inatsisaanni.

Nuuk Imerup tunisassiornera Imigassat ilaannut Kalaallit Nunaanni sananeqarsimasunut akitsuutit pillugit Inatsisartut inatsisaat nr. 20 12. november 2003-meersumut ilaavoq.

Inatsimmi § 1, nr. 3 naapertorlugu, immiaaraq 1 literimut akitsuut imaappoq 21,00 kr.
imaluunniit 33 cl-imut 7,00 kr.

Inatsimmi § 1 a naapertorlugu sodavandi 1 literimut imaappoq 3,50 kr.
imaluunniit 33 cl-imut 1,17 kr.

Nuuk Imerup tunisassiornerani puunut akitsuusiisoqartanngilaq

Nioqqutissat nunanit allanit eqqussorneqartut nioqqutissanik eqqussuineq annissuinerlu pillugit Inatsisartut inatsisaat nr. 18, 30. oktober 1992-imeersumi ilaapput.

Inatsimmi § 1, imm. 1, litra c, naapertorlugu immiaaraq 1 literimut akitsuut imaappoq 23,00 kr.
Imaluunniit 33 cl-imut 7,67 kr.

Inatsimmi § 1, imm. 1, nr. 4, naapertorlugu sodavandi 1 literimut akitsuut imaappoq 7,50 kr.
Imaluunniit 33 cl-imut 2,55 kr.

Inatsimmi aamma § 1, imm. 1, nr. 6, naapertorlugu imigassat ilaasa puuinut akitsuut (immuit minillugit) imaappoq 2,00 kr.
25 cl ataatsimut 3,50 kr.
25 cl sinnerlugu ataatsimut

Akit taakku marluk 1. Januar 2024 aallarnerfigalugu 60 ørimik appartinneqassapput.

Taama inatsiseqarnermi tunngaviginikuusaaq tassaavoq, Nuuk Imerup tunisassiornera akitsuutitigut eqqussukkanit annikinnerunissaanik kissaateqarnermik eqquutsitsiniarneq. Taamaasiornikkut tunisassiat Nuuk Imermit tunisassiarineqartut akitigut illersorneqarput.

Tunisassiorunnaarluta eqqussiinnartalerutta, Nioqqutissanik eqqussuinermi akitsuutit pillugit Inatsisartut Inatsisaat tunngavigalugu, imigassat ilaannut Kalaallit Nunaanni sananeqarsimasunut akitsuutit pillugit Inatsisartut inatsisaat atornagu, akitsuuserneqartalissapput.

Allakkiami naatsorsuutit, ataatsimiititaliamit tiguneqareertut, Nuuk Imerup tunisassiorsimanera tunngavigalugu suliarineqarput.

Nuuk Imerup immiaaqqanut sodavandinullu akitsuutini imigassat ilaannut Kalaallit Nunaanni sananeqarsimasunut akitsuutit pillugit Inatsisartut inatsisaat tunngavigalugu akilertarnikuuai. Inatsit manna naapertorlugit akitsuutit eqqussuinermi akitsuutit pillugit Inatsisartut Inatsisaannit annikinnerupput. Sodavandimut soorlu akitsuummi literimut 4 kr.-nik assigiinngissuteqarpoq, immiaaqqanullu assigiinngissut 10 pct.-ulluni.

Immiaaqqat sodavandillu amerlanersaat nunanit allanit eqqussorneqartartussaasat ilimagineqartariaqarmat, immiaaqqat sodavandillu amerlanerungaartut akit qaffasinnerusut atorlugit akitsuuserneqartassapput, Tamanna akitsuutinit isertitat tamarmiusut amerlanerunerannik kinguneqassaaq. Akerlianik ilimagineqarpoq nioqqutissat ullumikkut Nuuk Imermut sanilliullugu pisiniarfitt akit appasinnerusut atorlugit pisiarisarsinnaassagaat.

Nuuk Imerup nammineq puiaasaaraatai ullumikkut puunut akitsuuteqartinneqanngillat. Qillertuusanik il.il. eqquusuinermut ikaarsaariarnermi, nioqutissat eqquussukat akitsuutaat pillugit Inatsisartut inatsisaanni § 1, imm. 1, nr. 6 naapertorlugu puut akitsuutaat akilersinneqartassapput.

Ilimagineqarpoq atueriaaseq allanngussasoq, pingaartumik sodavandinik, tassani amerlanerit sodavandit mikisut pinnagit sodavandinik anginernik pisisassallutik. Tamanna Nuuk Imerup ukiumi ataatsimi puiaasaaqqanik qanoq amerlatigisunik atuinissaanik ilimaginninnermut sanilliullugu puunik atuneq annikillinerannik kinguneqassaaq. Tamassuma kinguneranik naatsorsorneqarpoq puut akitsuuserneqartut Nuuk Imermut sanilliullugu ikileriassasut.

Aamma naatsorsorneqarpoq puunut akitsuutit appartinneqarnerisa kinguneranik akitsuutinit isertitat tamarmiusut ikilissasut.

Apeqquut 2:

Ataatsimiititaliaq aningaasanut inatsisissatut siunnersuummi apeqquummi siullermi apeqquuteqaateqarfigisatut IS-imi aamma IST-mi angusasassatut ilimagineqartunik paasitinneqarnissamik kissaateqarpoq.

Akissut

mio. kr.- nngorlugu	AI 2024	M 2025	M 2026	M 2027	Katillugit
IST	-291,4	-327,1	-359,1	-329,7	-1.307,4
IS	-284,4	-317,1	-349,1	-319,7	-1.270,4

IS-imi aamma IST-mi inernerit kisimik qimerloorneqarsinnaanngillat/qimerloorneqassanngillat. Inatsisartut Missingersuutitut Naatsorsuutinullu inatsisai pisortat missingersuutigai, tamatumani Namminersorlutik Oqartussat aamma kommunit killigititaqarput. Killigititaq ukiut sisamani 2 %-uvoq, ukiullu ataatsimi 1%-ulluni. Inatsimmi siunertaq tassaavoq, piffissap ingerlanerani pisortat immikkoortuat annikillisanissaa, taamaasillunilu nunatta kinguaariit tullernut aningaasaqarnikkut attassinnaanera qularnaarlugu. Aningaasartuutunik killigititaqarnikkut ukiumut aningaasartuutitut akissaqarnissaaq killilerneqartarpoq.

Aningaasanut inatsimmut allannguutissatut siunnersuutit Inatsisartut pingajussaaneerinninneranni akuerineqarmata 2024-mut aningaasartuutitut akissaqarnissaaq ima isikkoqalerpoq:


2024: 1,1 mio kr.

2025: 0,2 mio kr.

2026 0,5 mio. kr.

2027: 4,6 mio. kr.

Inussiarnersumik inuulluaqqusillunga



Erik Jensen

Inatsisilit Nr. 20 11. decemberip 2003 Atuuttut

Imigassat ethanolimik akullit Kalaallit Nunaanni sananeqarsimasut akitsuutaat pillugit Inatsisartut inatsisaat

§ 1. Imigassat ethanolimik akullit nunami maani sananeqartut akitsuutaat inatsimmi matumani maleruagassat naapertorlugit, imatullu annertutigisut akilerneqartassapput:

1) 2,25-3,09 volumenpct. literimut	3 kr. 19 øre.
2) 3,10-4,09 volumenpct. literimut	6 kr. 95 øre.
3) 4,10-5,09 volumenpct. literimut	18 kr. 45 øre.
4) 5,10-7,09 volumenpct. literimut	25 kr. 84 øre.
5) 7,10-9,09 volumenpct. literimut	37 kr. 04 øre.
6) 9,10-11,09 volumenpct. literimut	47 kr. 00 øre.
7) 11,10-13,09 volumenpct. literimut	54 kr. 00 øre.
8) 13,10-15,09 volumenpct. literimut	75 kr. 00 øre.
9) 15,10-18,09 volumenpct. literimut	92 kr. 47 øre.
10) 18,10-22,09 volumenpct. literimut	118 kr. 60 øre.
11) 22,10-26,09 volumenpct. literimut	150 kr. 12 øre.
12) 26,10-30,09 volumenpct. literimut	184 kr. 26 øre.
13) 30,10-35,09 volumenpct. literimut	224 kr. 46 øre.
14) 35,10-45,09 volumenpct. literimut	289 kr. 21 øre.
15) 45,10-60,09 volumenpct. literimut	396 kr. 77 øre.
16) 60,10-100,00 volumenpct. literimut	472 kr. 97 øre.

§ 2. Akitsuut akilerneqassaaq atuineq ilutigalugu, tassa imaappoq nioqqutissat akitsuutip atuutsinneqannginnissaanik akuersissuteqarluni aaqqissuussinermut ilaajunnaarpata. Nioqqutissat suliffeqarfimmi nioqqutissanik sanaffiusumi tuniniarneqarpata atorneqarpataluunniit, nioqqutissat naammassillugit tunisassiarineqarnerminni atorneqartutut isigineqassapput.

§ 3. Suliffeqarfiit nioqqutissanik akitsuusigassanik sanasut piginnittuusutut Akileraarternermut Pisortaqarfimmi nalunaarsorneqassapput.

Imm. 2. Suliffeqarfiit nalunaarsorneqarsimasut akitsuummik

atuutsitsinertaqanngitsumik nioqqutissanik akitsuusigassanik sanasinnaatitaallutillu uninngasuuteqarsinnaatitaapput.

§ 4. Init piginnittuusut nalunaarsorneqarsimasut nioqqutissanik akitsuusertinneqarsimanngitsunik sananerminnut, suliaqarnerminnut, maqitsinerminnut uninngasuuteqarnerminnullu atugaat Akileraartarnermut Pisorta qarfiimmit akuerineqarsimassapput.

Imm. 2. Init Akileraartarnermut Pisorta qarfiup § 14, imm. 1 naapertorlugu nakkutillinissaanut naleqqutinngitsumik atorineqarpata aaqqissugaappataluunniit, akuersissuteqarfigneqarneq nalunaarsortinnerlu atorunnaarsinneqarsinnaapput.

§ 5. Piffissaq akitsuuteqarfusoq tassaavoq qaammat.

§ 6. Piginnittuusut nalunaarsorneqarsimasut piffissami akitsuuteqarfiusumi annertussuseq akitsuusigassaq naatsorsugassaat tassaavoq nioqqutissat akitsuusigassat suliffeqarfup iniutaanit akuerisaasunit anninneqarsimasut annertussusiat, millissutaasimasut assigisaallu ilanngullugit.

Imm. 2. Naatsorsuineq maleruagassat Naalakkersuisunit aalajangersarneqarsimasut naapertorlugit sukumiisumik suliarineqassaaq.

Imm. 3. Nioqqutissat akitsuusigassat annertussusiata qanoq angissusilerneqarnissaanut maleruagassat Naalakkersuisunit aalajangersarneqarsinnaapput.

§ 7. Annertussutsimit akitsuusigassamit § 6, imm. 1 naapertorlugu naatsorsorneqartumit ilanngaatigineqassapput:

- 1) nioqqutissat ikuallattoqarneratigut, erngartoqarneratigut assigisaatigulluunniit suliffeqarfimmi imaluunniit suliffeqarfimmut suliffeqarfimmiilluunniit assartorneqarnerminni annaaneqartut,
- 2) nioqqutissat utertinneqartut, aki akitsuummik ilaqartoq pisisumut utertinneqarpat,
- 3) nioqqutissat sumiiffinnut Kalaallit Nunaata avataaniittunut anninneqartut.

Imm. 2. Imm. 1 naapertorlugu ilanngaatigineqarsinnaasut nakkutigineqarnissaannut malittarisassat Naalakkersuisunit aalajangersarneqarsinnaapput.

§ 8. Piginnittuusut nalunaarsorsimasut nioqqutissanik akitsuusigassanik sananermut tunniussinermullu naatsorsuusiortassapput.

Imm. 2. Tamanna pillugu aalajangersakkat sukumiinerusut Naalakkersuisunit aalajangersarneqassapput.

Imm. 3. Piginnittuusut nalunaarsorsimasut naatsorsuutitut tunngasut, matumani aamma fakturat, fakturat assilineri, tunniussinermi uppersaatit aamma

naatsorsukkat, ukiup naatsorsuusiortusup qaangiunnerata kingorna ukiuni 5-ini toqqortarissavaat.

§ 9. Piginnittuusut nalunaarsorsimasut qaammatit naaneri tamaasa, kingusinnerpaamillu piffissap akitsuuteqarfusup tulliaata qaammatip 15-iani Akileraartarnermut Pisorta qarfimmu nalunaarutigisassavaat, nioqqutissat akitsuusigassat qanoq annertutiginerat, tak. §§ -it 6 aamma 7. Nalunaarut suliffeqarfup akisussaalluni aqutsisuanit atsiorneqarsimassaaq.

Imm. 2. Nalunaarut piffissaliussap taaneqartup qaangiutinnginnerani tunniunneqanngippat Akileraartarnermut Pisorta qarfiup nalunaarsugaaneq, nalunaarutip tunniunneqanngitsup Akileraartarnermut Pisorta qarfimmu tiguneqarnissaata tungaanut atorunnaarsissinnaavaa.

Imm. 3. Nalunaarut piffissaliussap taaneqartup qaangiutinnginnerani tunniunneqanngippat, akitsuutinut akiligassaq Akileraartarnermut Pisorta qarfiup missingersuinermigut angissusilersinnaavaa.

Imm. 4. Naalakkersuisut nalunaarut pillugu aalajangersagaliorsinnaapput.

§ 10. Piginnittuusut nalunaarsorsimasut piffissami akitsuuteqarfusumi akitsuut Akileraartarnermut Pisorta qarfimmu akilissavaat kingusinnerpaamik qaammatip, piffissap akitsuuteqarfusup tulliaata ulluisa 15-ianni.

Imm. 2. Akitsuut piffissaagallartillugu akilerneqanngippat, qaammatip akiliiffissap aallaqqaataaniit aallartittumik qaammatit aallartinneri tamaasa erniaq qaammammut 1 pct.-iusoq akilerneqartassaaq.

Imm. 3. Naalakkersuisut akitsuutip akilerneqarnissaa pillugu aalajangersagaliorsinnaapput.

§ 11. Akileraartarnermut Pisorta qarfiup piginnittuusooq nalunaarsorsimasooq akitsuummik piffissaagallartillugu akiliinngitsoq, piffissamik qaammammu ataatsimit sivikinnerusumik piffissalerlugu nalunaruteqaqqusinnaavaa.

Imm. 2. Aammattaaq Akileraartarnermut Pisorta qarfiup piginnittuusooq nalunaarsorsimasooq akitsuummik piffissaagallartillugu akiliinngitsoq, piffissamik § 10-mi taaneqartumit sivikinnerusumik piffissalerlugu akiliinissamut piffissalersinnaavaa.

§ 12. Akitsuut akiligassanngorsimasooq akilerneqarfissami kingorna kingusinnerpaamik ullut 14-it qaangiunneranni akilerneqanngippat Akileraartarnermut Pisorta qarfiup nalunaarsugaaneq, akitsuutit akiligassanngorsimasut akilerneqarserlugit arsaarinnissutigisinnaavaa.

Imm. 2. Piffissaq akitsuuteqarfusooq imaluunniit piffissaq akiliiffissaq § 11 naapertorlugu sivikillineqarsimappat nalunaarsugaaneq, piffissap akiliiffissap qaangiunneratigut ingerlaannaq arsaarinnissutigineqarsinnaavoq.

§ 13. Piginnittuusup nalunaarsorsimasup paasissutissanik eqqunngitsunik Akileraartarnermut Pisorta qarfirmut nalunaaruteqarsimanagera, taamaalillunilu akitsuutininut akiliinikipallaarsimanagera paasineqarpat aningaasat akiligassanngortut akileqquneqarneranniit kingusinnerpaamik ullut 14-it qaangiunneranni akilersinneqassapput.

Imm. 2. Akitsuutininut akiligassat annertussusiat naatsorsuutit tunngavigalugit naatsorsorneqarsinnaanngippat, akitsuutininut akiligassat Akileraartarnermut Pisorta qarfiup missingersuinermit angissusilersinnaavai.

Imm. 3. Pisuni imm. 1-imiit 2-mut taaneqartuni akitsuutissaq piffissaagallartillugu akilerneqanngippat qaammatip, piginnittuusup nalunaarsorsimasup akiliiffissaata aallaqqaataanniit aallartittumik qaammatit aallartinneri tamaasa erniaq qaammammut 1 pct.-iusoq akilerneqartassaaq qaammatit aningaasat piginnittuusumit nalunaarsorsimasumit akilerneqarfissaaa aallaqqaataanniit qaammammoortumik ernialiussaq 1 pct.-iusoq akilerneqartassaaq.

§ 14. Akileraartarnermut Pisorta qarfik pisinnaatitaavoq suliffeqarfinni inatsimmi pineqartuni misissuinissamut aammalu suliffeqarfiit nioqqutissaataannik, niuernerminni allattaaviinik, naatsorsuutaannut tunngasunik kiisalu allagarsiarisarsimasaannik allagarsarsimasaannillu il.il. misissuinissamut.

Imm. 2. Suliffeqarfiit piginnittui sulisorisaallu Akileraartarnermut Pisorta qarfiup misissuinermit imm. 1-imi taaneqartumik ingerlatsinerani pisariaqarnera naapertorlugi ilitersuisussaapput ikiuuttussaallutillu.

Imm. 3. Pappialat imm. 1-imi taaneqartut Akileraartarnermut Pisorta qarfiup piunasaqarneratigit tunniunneqassapput nassiunneqarlutilluunniit.

Imm. 4. Naatsorsuutit il.il. inummi pingajuusumiippata, taanna taakkuninnga tunniussaqaartussaataannikkaluaruniluunniit, taakkua Akileraartarnermut Pisorta qarfirmut tunniutissavai, Akileraartarnermullu Pisorta qarfiup isumagissassaraa ator neqareepata inummut pingajuusumut pineqartumut utertissallugit.

§ 15. Pisortat oqartussaasut peqquneqarnermikkut paasissutissat suulluunniit, suliffeqarfinnik inatsimmi pineqartunik nalunaarsuinissamut nakkutilliinissamullu ator neqartussat Akileraartarnermut Pisorta qarfirmut nalunaarutigissassavaat.

Imm. 2. Politiit, maleruagassat Naalakkersuisut justitsministereqarfullu isumaqatigiinniarnersa kingorna aalajangersarneqarsimasut naapertorlugit Akileraartarnermut Pisorta qarfirmut ikiuuttassapput.

§ 16. Nakkutilliinerit pillugit aalajangersakkat inatsisip atuutinneqarneranut pisariaqartut allat Naalakkersuisunit aalajangersarneqarsinnaapput.

§ 17. Naalakkersuisut Akileraartarnermut Pisortaqarfik inatsit manna naapertorlugu aalajangiisarnissamut piginnaatissinnaavaat. Aalajangiinerit naammagittaalliuutigineqarsinnaanerit pillugu maleruagassanik, matumani aamma aalajangiinerit allaffeqarfitsigut oqartussaasumut qaffasinnerusumut naammagittaalliuutigineqarsinnaanginnerat pillugu Naalakkersuisut aalajangersaasinnaapput.

§ 18. Akileraartarnermut Pisortaqarfup makku pillugit aalajangiineranik naammagittaalliuutit Skatterådip aalajangiiffigisassavai:

- 1) Nioqqutissat akitsuuteqartussaeneri pillugit.
- 2) Akitsuusigassat annertussusii pillugit aalajangiineq.
- 3) § 9, imm. 3 aamma § 13, imm. 2 aamma 3 naapertorlugit missingersuinikkut angissusiliineq.

Imm. 2. Skatterådip aalajangiineri, aalajangiinerup taassuma pineqartumut nalunaarutigineqarneraniit sap.ak. 4-t qaangiutsinnagit Kalaallit Nunaata Landsretianut siullertut suliaqartussamut ingerlateqqinneqarsinnaapput.

Suliassiissutigineqartussat tassaapput Naalakkersuisut.

§ 19. Kinaluunniit piaaraluneerluni mianersuaalliorujussuarluniluunniit iliuuseqartoq pineqaatissinneqarnikkut akiliisinneqassaaq:

- 1) paasissutissanik akitsuutinik nakkutilliinerit atugassanik eqqunngitsunik paatsoorneqarsinnaasunilluunniit tunniussisoq imaluunniit paasissutissanik nipangiussisoq,
- 2) § 3, imm. 1-imik, § 6, imm. 1-imik, § 8, imm. 1-imik, § 9, imm. 1-imik, § 10, imm. 1-imik, § 14, imm. 2-mik 3-milluunniit unioqqutitsisoq,
- 3) § 11, imm. 1 naapertorlugu peqquneqarnermik malinninngitsoq,
- 4) nalunaarsorneqarnerup Akileraartarnermut Pisortaqarfimmit § 9, imm. 2 imaluunniit § 12, imm. 1 aamma 2 naapertorlugit arsaarinnissutigineqareernerata kingorna ingerlatamik akitsuuteqarfusumik ingerlatsiinnartoq,
- 5) nioqqutissanik, inatsit manna naapertorlugu akitsuutaannik akilerneqarsimasussaagaluani akitsuuserneqarsimanngitsunilli tunniussisoq, pissarsisoq pisorluunniit.

Imm. 2. Inatsit manna naapertorlugu maleruagassiani aalajangersarneqarsinnaapput, maleruagassiani aalajangersakkanik piaaraluneerluni mianersuaalliorujussuarluniluunniit unioqqutitsisup akiliisinneqarnissaa pillugu aalajangersakkat.

Imm. 3. Unioqqutitsinerit imm. 1-imi imaluunniit imm. 2-mi taaneqartut arlaat aktieselskabimit, anpartsselskabimit, andelselskabimit, peqatigiiffimmit, ingerlatsivimmit imminut pigisumit, aningaasaateqarfimmit assigisaanilluunniit unioqqutitsineruppat, inatsisit malillugit inuttut isigineqarsinnaasoo taanna taamatut

akiliisinneqarsinnaavoq.

Imm. 4. Akiliisitsissutit landskarsimut iluaqutissanngortinneqassapput.

§ 20. Naalakkersuisut, inatsimmi matumani aalajangersakkanik unioqqutitsisoq nalunaarfigisinnaavaat suliassaq eqqartuussinertaqanngitsumik naammassineqarsinnaasoq, unioqqutitsisup unioqqutitsisimanini nassuerutigippagu aammalu akiliisitsissut nalunaarummi allassimasoq piffissap aalajangersimasup, qinnuteqarnikkut sivitsorneqarsinnaasup iluani akilerumallugu piareersimappat.

Imm. 2. Nalunaarutiginninnermut, imm. 1-imi taaneqartumut atatillugu eqqartuussisarnermi inatsimmi aalajangersakkani unnerluutiginninnermut allassimasut atuutissapputtaaq.

Imm. 3. Akiliisitsissut piffissaagallartillugu akilerneqarpat, aalajangiunneqareernermigulluunniit akilersinneqarpat suliaq malersoqqinneqassanngilaq.

§ 21. Inatsit ulloq 1. januar 2004-miit atortuulerpoq.

Namminersornerullutik Oqartussat, ulloq 11. december 2003

Hans Enoksen

/

Josef Motzfeldt

Inatsisit Nr. 9 19. oktobarip 2007 Atuuttut

Imigassat ethanolimik akullit Kalaallit Nunaanni sananeqarsimasut akitsuutaat pillugit Inatsisartut inatsisaata allangortinneqarneranik Inatsisartut inatsisaat (Akitsuutinik qaffaaneq ammalu sodavandinut akitsuut)

Imigassat ethanolimik akullit Kalaallit Nunaanni sananeqarsimasut akitsuutaat pillugit Inatsisartut inatsisaanni nr. 20, 11. november 2003-imeersumi, Inatsisartut inatsisaatigut nr. 1, 26. april 2007-imeersukkut allangortinneqartumi, makkua allangortinneqarput:

§ 1

1. Inatsisartut inatsisaata taaguutaa imatut oqaasertaqassaaq:

"Imigassat ilaannut Kalaallit Nunaanni sananeqarsimasunut akitsuutit pillugit Inatsisartut inatsisaat"

2. § 1 imatut oqaasertaqassaaq:

"§ 1. Imigassanut ethanolimik akulinnut nunami maani sananeqarsimasunut akitsuummik akiliineqartassaaq inatsimmi matumani malittarisassat malillugit annertussusiliinerillu imaattut malillugit:

1) 1,21-3,09 volumenprocent literimut	3 kr. 50 øre
2) 3,10-4,09 volumenprocent literimut	8 kr. 00 øre
3) 4,10-5,09 volumenprocent literimut	21 kr. 00 øre
4) 5,10-7,09 volumenprocent literimut	30 kr. 00 øre
5) 7,10-9,09 volumenprocent literimut	43 kr. 00 øre
6) 9,10-11,09 volumenprocent literimut	56 kr. 00 øre
7) 11,10-13,09 volumenprocent literimut	66 kr. 00 øre
8) 13,10-15,09 volumenprocent literimut	92 kr. 00 øre
9) 15,10-18,09 volumenprocent literimut	114 kr. 00 øre

10) 18,10-22,09 volumenprocent literimut	147 kr. 00 øre
11) 22,10-26,09 volumenprocent literimut	187 kr. 00 øre
12) 26,10-30,09 volumenprocent literimut	230 kr. 00 øre
13) 30,10-35,09 volumenprocent literimut	280 kr. 00 øre
14) 35,10-45,09 volumenprocent literimut	361 kr. 00 øre
15) 45,10-60,09 volumenprocent literimut	495 kr. 00 øre
16) 60,10-100 volumenprocent literimut	591 kr. 00 øre"

3. § 1-ip kingornatigut ilanngunneqassaaq:

" § 1 a. Mineralvandinik, sodavandinik, limonadenik allanillu kulsyremik akoqartunik, ethanolimik akoqanngitsunik imeruersaatini aningaasarsiutigalugu nunami maani sananermi akitsuummik akiliineqartassaaq literimut 3 kr. 50 øre"

§ 2

Inatsit 22. oktober 2007-imi atuutilerpoq.

Namminersornerullutik Oqartussat, ulloq 19. oktober 2007

Hans Enoksen

/

Aleqa Hammond